

白侯秘方



喉科諸書言者詳矣獨未載時疫白喉一
證道光中葉始吳越繼荆湘黔滇秦隴流
及塞外其發無時傳染甚速醫者辯證未
明悞投表散辛溫滋補之劑百無一全同
鄉張善吾蕭海雍諸君細心參考著時疫
白喉一書中列飲散用之屢見功效乾博
訪旁諮又得鍼刺要訣各秘方爲書中所

未載者光緒紀元

乾

遊湟中次夏證行河

湟甘涼酒泉照方醫治兼施鍼法活人頗
多擬將各方付諸剞劂而所費不貲賴
泉唐遜谷樵者慨然以刊布爲己任嗣後
此書廣播天下庶治時疫白喉者得所取
法云

湘西黃炳乾謹識

時疫白喉證論

續論

看法

附辯寒火證

治法

開關散

鍼法

附煉藥鍼法

蒜泥敷治法

燕泥消腫方

除瘟化毒散

神功辟邪散

神仙活命湯

龍虎二仙湯

雄黃解毒丸

清心滌肺湯

養正湯

銀花四君子湯

瓜霜散

附取西瓜霜法

血竭冰硼散

石青消毒散

清涼散

蚰蜒拔毒散

蜘蛛救苦丹

鳳凰啄蛾散

礪砂破蛾散

無治之證

白喉證論

白喉一證極爲危險治不得法往往誤事
凡咽喉不利口渴舌燥頸腫目赤耳痛唇

焦皆邪熱客於心肺上攻頭面初與他經
無涉有兼及他經者體氣虛弱邪氣乘之
而入皆後之傳變名曰越經大凡其證初
起惡寒發熱頭痛背脹精神倦怠遍身骨
節疼痛喉有極痛者有微痛者初無形迹
可見證似傷風傷寒若投以麻桂羌防升
柴辛蘇之類致毒煥散無可挽回彼惡寒

發熱乃毒氣初作於內二三日喉內見白
見後寒熱自除如認爲表藥有效誤矣按
此證熱多寒少初發於肺肺屬金其色白
肺爲臟腑華蓋毒氣薰蒸自下而上肺病
日深故本色日著治宜解五臟之毒使之
下行若因色白疑爲寒證投以附桂炮薑
又誤矣有知爲火毒不允懇請解開散之

品輒以芒硝大黃下之不知病在上焦與
中下焦無涉所謂攻伐無過見證確藥照
方火毒甚者初起用消風敗毒藥引熱下
行如日服二三劑而白不退服十數劑而
白愈加當詳審病源或舌胎黃黑喉乾唇
焦小便短澀而黃大便瀉泄帶黑是火毒
凝結無疑內病不除白何能退愈發白愈

守方久久自效惟治不容緩倘用平淡之劑耽誤至五六日毒氣重元氣傷再以猛藥攻之病已垂危勢難挽救此非誤於後而實誤於前也有非白喉而轉爲白喉者初起喉痛紅腫或惡寒發熱或不惡寒發熱一邊腫名曰單蛾兩邊腫名曰雙蛾治之稍緩則氣閉宜用生土牛膝麝引熱下

行大便閉結加大黃此與白喉證異治同
若不早治轉爲白喉爲禍尤烈又有勞證
白喉陰虛火旺痛極而水難下咽漸至朽
爛非服補劑不可若以時行白喉目之則
誤矣更有不惡寒發熱喉內起白皮隨落
隨長的是寒證此非桂附不能見功總須
認准證候下藥方能奏效治者慎之

續論

白喉乃瘟疫時證必須詳審脈情看明喉
內白多白少方可下藥其證初起惡寒發
熱口渴喉乾聲音不出湯水不入痰涎壅
塞脹閉疼痛滿喉皆白脈多洪數證中最
險治以除瘟化毒散神功辟邪散神仙活
命湯皆驗但恐病勢重藥力輕再用龍虎

二仙湯日服三四劑連服數日不必更方
縱食不下咽斷不致誤事緣以病受藥也
白退藥止徐徐調理惟證烈者實火爲患
臟腑積熱太深堵塞咽喉呼吸不通可服
雄黃解毒丸然究係厲劑不可輕用所論
雖屬詳明治者猶宜達變倘怠玩耽擱使
面青唇黑氣急痰壅煩燥神昏雖盧扁復

生不可爲也

看法

初起各證前論已詳喉內或極痛或微痛或不痛而微硬有隨時見白者有至二三日始見白者或由白點白條白塊漸至滿喉皆白所治皆同服藥後或白收緊稀疏微小轉白爲黃皆生機也此病貴在見機

早治法精若非白喉而稱爲白喉真白喉
又不識爲白喉治不得法病者危矣看法
將病人向明處坐左手按髮際右手持箸
按住舌心看喉內兩邊係白喉係單雙蛾
風火喉看明下藥晚間用兩油紙撚一照
腦後一照口內詳細看明醫者須防護自
已勿空腹看病或飲雄黃酒或食大蒜保

不傳染

認寒火證

火證白喉白塊浮於肉上起凸喉中紅
腫飲食喜冷惡熱舌胎黃黑大小便不
通痛無已時者是如寒證虛證則不紅
不腫飲食惡冷喜熱天花板上紅絲數
條卽間有白塊亦陷於肉內凹而不凸